

則身熱口中醕氣乳不消腹中痛 者出痘具正痘形
目胞亦赤呵欠煩悶乍涼乍熱咳嗽噴嚏足稍冷夜卧驚
悸多睡耳尖冷眼澁摠以耳冷尻冷足下冷及耳後有紅
縷赤脉驗之然須見心胸間細點如粟起乃爲真也

看耳筋法

未出之先紫筋者不治急服涼血解毒藥救之

亦有活者大紅者可治水紅者不藥而愈桃紅

者各分輕重治之

治法

或發或瀉或解肌或化毒涼血清肺調其藏府平其

飲食謹其禁忌嚴其捫養適其寒溫使出無不快成無不

加既愈之後不致遺毒流汗虛腠目疾腎膜瘡癰癰瘤喉

閉噤腫潮熱汗泄此大略也凡見出遲發慢者根窠欠紅

活者便當憂慮調治切勿袖手待弊 惟用溫平藥治之

不可妄下及妄攻頻與乳食不受風冷可也溫平者如荆

芥薄荷防風甘草牛蒡之類

非熱劑也

鼠粘子湯解毒防風湯

選而用之解毒和中安表而已 有大熱者宜利小使用

導赤散四苓散有小熱者宜解毒用消毒飲四聖散

日數 除初熱三日不算蓋有熱發三五日或十餘日故也

自報痘至收靨首尾十二日中間有不守禁戒以至淹纏

又有氣血和者不及十二日即愈 痘屬虛寒者十數日

後方死屬毒甚紫黑者不過七八日死蓋毒不能出過六

忌服涼血解毒之藥救之

六日以後發熱者宜服涼血解毒之藥救之

煩悶者肝也時發驚悸者心也乍涼乍熱手足冷者脾也
面與頤頰赤咳嗽噴嚏者肺也惟腎無候以其在下也

發熱似傷寒不辨疑似間且與升麻葛根湯參蘇飲加味

敗毒散

方俱在後

熱甚發驚用薄荷湯化下抱龍丸

發熱

欲出痘作腰痛者急服神解湯出汗以腰痛止爲度免出

腎經之痘 發熱之初急宜表汗使邪毒汗散則痘出稀

少然表藥必在紅點未見之先乃可用也 傷寒瘡疹疫

癘潮熱五日已衰疑似未辨者宜用四物解肌湯五日已

內發出卽出五日已外無者非痘也

發熱吉凶 身無大熱腹雖痛而腰不痛過三日後纔見紅

點堅硬碍指者不須服藥

發熱時一日遍身卽生紅點

稠密如蚕種樣摸過不碍手者凶頭面上有一片色如胭脂者凶

照痘法

以紙撚蘸清油燃火照之凡燈光影與痘根圓暈

相爲周旋根窠紅活漿影深厚則皆可調治若根窠不起不紅血死不活漿無影者雖輕難治故白日亦必用麻油紙撚照之全在眼法神巧又以手指摩面頰如紅色隨手轉白隨白轉紅則血活而生意在矣如指之太白舉之紅是爲血枯雖輕勿治又看目睛神光瞭然口唇尖上紅活如常無燥白之色乃吉

見點

初出時若蚕種之貌

空

如蚊蚤之迹

隱

薄如紙片

報痘 熱甚煩躁悶亂喘急不食一齊突出紅紫黑色難治
報痘時煩躁腹痛腰大痛口臭出紫點或青斑者死

報痘時色白皮薄而光根窠全無紅色或根帶一點紅三五
日卽長如菉豆大此決不能灌漿後泡清水擦破而死

報痘時全不起頂又頂如湯泡及燈草燒之狀十日痒塌死
報痘時起紅班如錦紋者六日死 遍身如蛇皮者死 黑班如

痣狀肌肉成塊黑色者卽日死

色紅紫焦枯貼肉不起皮厚而黑者名鐵甲痘八九日死

出痘三朝 發熱一日卽出痘者大重二日卽出痘者亦重

微微發熱三日後乃出痘者爲輕四五日身涼乃見痘者

尤輕自出痘一日至二三日方齊凡痘出至足謂之出齊
如發熱過三日瘡不出或不快出卽微發之用消毒飲化毒
湯犀角消毒飲如瘡發後不多出卽加藥發之
如一日二
三服可也
如加藥發後不多出卽其痘本稀不可再發也

如出速且密胸背尤多此毒盛也急服消毒飲解毒防風湯
以防青乾黑陷 出甚而內外壅熱煩渴譫狂用猪尾膏
年壯皮厚痘難快出用透肌湯 痘出而被風寒復入者用

加味四聖散或快癍散 凡出痘不快宜四聖散加味四

聖散紫草飲及絲瓜湯之類一發便密如針頭形勢重者

連翹升麻湯

瘡稠密身表熱急服鼠粘子湯防其

乾青
黑陷

痘出太盛恐入眼爲害宜消毒飲加芩連

酒炒外煎

曰飛痘此最輕或只此一痘再不生痘

出痘時吉凶 痘出如粟米大或如菉豆大似水珠光澤明

淨者吉 痘一出卽變黑者腎症也保元湯加紫草紅花

救之 痘出紅赤以手摸過皮軟不碍指者名曰賊痘過

三日變成水泡急以保元湯加紫草蟬壳紅花救之已成

水泡用保元湯加四苓散利之此千金妙法也不然則死

出痘時發紅斑如錦紋者六七日後決死急用化毒湯加

紅花黃芩升麻救之變黑斑則死

部位吉凶 額屬心火印堂以上及日月角位先見點者凶

左面肝木右面肺金如兩臉先見點磊落者吉若相聚作

塊其肉硬腫者死 頰屬腎口唇四圍腮頤地閣先見者

吉 鼻屬脾土準頭先出凶 一出紅點發於山根之上

爲毒盛氣虛急用涼血解毒藥以防危急 耳輪先見凶

痘色 灰白色者氣虛也候齊後以保元湯加木通川芎肉

桂最妙 淡色不紅者血虛也保元湯加當歸赤芍

酒炒川

芎血熱者仍加生地

姜汁拌

倍黃芪煎服

皮乾燥枯澁者

必難起脹用溪中白石洗淨燒紅以井花水漬之使濕氣

蒸於痘上頃間光澤易起又能辟穢

由紅而白白而黃黃而黑此出形起發成漿結痂

之正色也

出而帶紫起發而灰白此色之變也能辨形色可知死生

色之紅者痘初出也白者毒未解也黃者毒將解也乾黃者

黑者熱極而兼化水也焦黑者氣血枯也

發熱三日之後熱退身涼大小不等作三次出淡紅色如

水珠光澤者不須服藥

不可妄治

如皮肉昏黑或赤腫根苗乾

枯青紫或灰白者此毒盛也急以消毒飲奪命丹合服

托痘秘方

兔絲子一味醋浸一宿焙乾勿令焦爲末於發

熱時每歲兒用七分量兒大小加減好酒調服此方托之

使痘易出易發易脹易靨且保後無他症真仙方也但氣

血弱者未出之先可用若旣出之後斷不可用用則恐托

出太多也若保嬰丸則又解毒而使痘稀少

各有其用各成其妙也

保護咽喉

痘未有不咽痛者初出之初急用甘草桔梗牛

勞子湯甚者射干鼠粘子湯早令毒火解散免生喉症

保護眼目

痘方出時使不入目以神應膏塗眼四圍或只

以胭脂取汁塗之或以牛勞子爲末蜜調貼額門上神效

神應膏

黃栢

一兩

菉豆粉

一兩

甘草

四兩

紅花

一兩

爲細末

用胭脂水和蜜調塗兩眼四畔之痘上

眼中流淚或多眵目中紅赤用洗肝明目散加蟬退

見下

眼病大忌吃雞鵝鴨子并忌其氣觸之卽傷眼

脉

痘疹脉靜身涼者生脉躁身熱者死

七歲以上五至

爲平七歲以下六至爲平過則爲數

邪氣實也

不及爲遲

正氣虛也

起脹三朝

痘出三日後當潮起脹先出者先起後出者後

起至四五日毒氣盡發於表觀痘虛實變毒淺深

在此

脫必順顙上不脹遍體皆不脹 上體已脹下體緩慢者

無害下體已脹上體緩慢者逆 起脹時漿滯不行頂陷

不起或風寒所克俱宜水楊湯浴之 按浴時冒入風邪其害尤大不如不浴須

看天時不可拘泥 凡起脹時毒盡在表須賴裡實則可無虞苟略

有瀉則內氣虛脫毒乘虛內攻而痘陷伏矣宜用固真湯

痘不起脹灰白頂陷皆虛寒也宜內托散加丁香或酒調紫

草膏若紫黑陷伏不起乃火盛血熱宜紫草湯調四齒散

或獨聖散 起脹時有痘長大而紫黑者名曰痘疔把住

痘瘡令不起失治則死急用保元湯加鼠粘子荆芥穗及

酒炒芩連外用銀針挑破痘疔頭令父母吮去惡血或綿

裏指甲揩去惡血使疔破而毒氣發泄也仍用雄黃一錢

調胭脂汁極濃點疔痘上立見紅活

雄黃拔毒
胭脂活血

起脹吉凶

五六日痘尖滿起如鼓釘摸之碍指光澤明潤

肥滿紅活者吉

出不快直待起脹時陸續出如粟米於

痘空隙處圓淨者吉

起脹時根窠全不起頭面紅腫如

匏瓜之狀者凶

起脹時痘頂皆黑其中有眼如針孔者

凶

遍身陷伏不起腹脹氣促神昏者凶

凡痘密者多難起頂以燈影之苟非皮薄水泡光潤

雖平亦
無妨

但紅活不甚長大者氣不足也用四君子湯合勻氣散加人

中黃

如焮腫色帶紅紫者血熱也用四物湯合消毒飲

如有青乾者內服快斑湯加人中黃合奪命丹外用四聖散
合胭脂塗法或用胡荽酒或用水楊湯浴法務求光壯紅
活而後已 如中間有成水泡者防其塌痒宜先補脾胃
使肌內貫不作痒可也十全大補湯加防風疎風大力子火瀉
痘至四五停住不甚起者少後力也用生黃芪人參當歸鹿
茸煎服少加木香

表虛則一齊湧出不能收斂必生痒塌裡虛則留伏壅遏
貫膿三朝 貫膿三日胃氣升也痘以胃氣爲本胃氣升騰
化毒成膿目肌肉上貫起漸至頂尖充滿光潤者順此氣
血大振毒漿已滿將欲收斂之時也 當結膿窠而不結

由血熱相搏毒氣內外灌注必復入心宜用猪尾膏

貫膿時九竅慎宜封閉飲食藥餌極忌寒涼滲淡之物若傷脾胃則清氣下陷不能貫膿也 出痘歷七日當貫膿

之時外若起脹而中空乾燥無膿血者死若略有清水根窠紅活猶有生意用內托散倍人參黃芪當歸煎入好酒人乳各半蓋溫服此貫膿之巧法也 九日十日可水之

時元氣熏蒸真陽運化其水自然消燦此循環之妙理也若未曾解毒則至此時水不能化反歸於胃胃病則不能貫膿成就或致吐瀉咽伏宜用定中湯 痘七日後壯熱毒盛氣弱聾啞用解毒芳風湯

同漿四肢方纔起脹者吉貫膿時或吐瀉不食乳食不化
腹脹聲啞寒戰咬牙痘爛無膿肌肉黑者凶 貫膿純是
清水皮白薄如水泡三四日遍身搔破而死 貫膿時滿
身抓破痘中乾枯全無血水皮白乾如豆殼者凶

收靨三朝

收靨三日漿老痂結自上而下按之堅硬蒼蠟

色或黃黑或似紫紅葡萄色者佳 如當靨不靨謂之慢

有毒盛不結痂者猪心龍腦膏妙 寒戰咬牙足膝如冰

耳尻反熱於起脹貫膿收靨時俱忌乃氣血虛極宜保元

湯加桂甚者異功散救之 痘痂不焦是內熱蒸於外散

漫而行故也宣風散導之生犀角磨汁解之必着痂矣

當靨不靨發熱蒸蒸用甘露回天飲卽時熱退痘痂

外潰不結痂甄陶散搽之

發膿窠不肯靨但調砂糖湯

與吃卽結痂

膿而不焦此失清涼之氣也須察症候而

清涼之如清涼飲猪尾膏龍腦膏並佳

宜參著痂油潤法以治著痂

收靨吉凶

痂落從頭上至胸膈手腹腰足節節緩緩靨下

者吉謝後班紅者吉白無血色者過後亦死急用消毒飲

二劑後用補氣血養脾胃藥預防之

陰囊及足上先痂

起者凶

將靨時其痘一時盡黑乃火極攻裡也卽凶

當靨時遍身臭爛如餅塲目中無神者凶

落痂

痂落後面痂突起成凸者此熱毒未盡解毒防風湯

如陷下成凹者脾胃虛不能長肌肉也人參白朮散加黃